



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDCLXXXVIII. Der Herzöge Wartslaff und Barnim Erklärung an die
Markgrafen von Brandenburg über die Loslassung der Gefangenen, vom
30. Mai. 1448.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

here to Reppin, Curdt, Greue von glichen, Er Nickel Tirbach, meister
 funte johans ordens, Her laurentz, Abpt to podeglow, Her wedege von Ra-
 myn, Domprouest tho Camyn, her fridrich Seffelman, Doctor vnd Cantzler, her
 Berndt moltzane, Domhere to Camyn, hennyngk von jafsmunde, Ridder, Curdt
 flemyngk, marsschalk in pomeran, jurge von waldenfels, Camermeister, paul von
 Conerstorp, voget tho Boytzenborch, Cone Barfutt, Gerd here, Michel
 horne, Arndt von Crummensehe vnd susst velemehr gelouenwerdiger lude genuch.
 Gescheen vnd gegeben tho Premptzlow, Am middeweke na funte Vrbanus dage, Na
 cristi vnnes Hern geburt vierteynhundert iar vnd darna jn deme Achte vnd viertigestem jare.

Nach dem Kurmärk. Lehns-Copial-Buche III, 78.

MDCLXXXVIII. Der Herzöge Wartslaff und Barnim Erklärung an die Markgrafen von
 Brandenburg über die Loslassung der Gefangenen, vom 30. Mai 1448.

Wy Wartflaff vnde Barnym, veddern, van gadesgaden to Stettin, to pöm-
 mern, der Cassuben, der wende hertogen vnd fursten to Rugen, don kundt vnd
 apenbar vor allermennichglick — So wy vnns vp huden datum dusses briues mit den hoch-
 gebaren fursten vnser liuen ohem hern frederike, des hilgen Rom. R. Ertzkamerer
 vnd fredericken, Brudern, Marggrauen to Brandborch vnd Borggrauen to Noren-
 berge, gentzliken verdragen vnd voreniget, vnd alle gefangen, de dar Jegenwardich gewest
 sint, vnd den genanten vnser liuen ohemen vnd den eren to steynde mit hande vnd mit
 munde leddech vnd los gegeben hebben, dat wy ok alle andern gefangen, de vp dissen
 dach nicht gewest sin, nemliken Henning Luderitze, Claus kerkow vnd alle ander
 vnbenumet den gnanten vnser liuen ohemen to gehorende ok leddech vnd los gegeben heb-
 ben vnd geuen sy also leddech und los, wo dat behuff, nottrost vnd bestendich sin mach na
 eren vnd rechten vnd jn aller mate, alle wy sy jegenwerdich vnde personliken mit munde
 vnd mit hande los gegeben hedden jn Crafft vnd macht dusses briues: vnd wen de opge-
 nanten vnde ok vnbenanten de vnser genanten liuen ohemen to steinde vnde vnse gefangen
 gewest to vnns kamen vnde begeren sin, dat wy sy mit munde vnd mit hande ok leddech
 vnd los laten scholen, als denne scholen vnd willen wy sunder alle hulperede, wederrede
 vnd jntrage sulke alle, de vnse gefangen gewest sin, mit munde vnd mit hande leddech vnd
 los laten etc. Geuen to Premptzlow, jn dem jare des heren cristi gebort vierteynhun-
 dert yar jn deme achte vnd vertigesten jare, in deme achteden dage vnser hilgen licham-
 mes dage.

Nach dem Originale des K. Geh. Kad. Archives 469, 3.